



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Veteran's affairs

Broj: 06-14-19555/19

Datum: 22.05.2019.godine

Na osnovu čl. 14. stav (2), 18. stav (1), 25. i 64. stav (1) tačka (b) Zakona o javnim nabavkama BiH ("Službeni glasnik BiH", broj 39/14), člana 1. tačka (a) pod (2) Pravilnika sa popisom ugovornih organa koji su obavezni primjenjivati Zakon o javnim nabavkama BiH („Službeni glasnik BiH“, broj 21/15), Odluke o utvrđivanju plana javnih nabavki za 2019. godinu broj: 06-14-4131/19 od 21.02.2019. godine, Plana javnih nabavki za 2019. godinu broj: 06-14-4131-1/19 od 21.02.2019. godine, Odluke o 1. izmjeni plana javnih nabavki za 2019. godinu broj: 06-14-4131-2/19 od 18.04.2019. godine i 1. Izmjene plana javnih nabavki za 2019. godinu broj: 06-14-4131-3/19 od 18.04.2019. godinu, Pravilnika o uslovima i načinu korištenja E-aukcije („Službeni glasnik BiH“, broj 66/16), čl. 22. stav (3) i 23. Pravilnika o javnim nabavkama Ministarstva za boračka pitanja Kantona Sarajevo broj: 06-02-2257/16 od 21.01.2016. godine, postupajući po prijedlogu sektora za boračko invalidsku zaštitu od 06-14-39/19 od 09.01.2019. godine, ministar za boračka pitanja Kantona Sarajevo, d o n o s i

### **O D L U K U**

o pokretanju otvorenog postupka za nabavku, transport i isporuku građevinskog materijala za pripadnike boračke populacije Kantona Sarajevo za 2019. godinu

Otvoreni postupak uz primjenu E-Aukcije

JRJN: 44100000-1 Građevinski materijal i pridruženi artikli

#### **Član 1.**

Odobrava se pokretanje otvorenog postupka javne nabavke (roba) uz primjenu E-Aukcije: Nabavka, transport i isporuka građevinskog materijala za pripadnike boračke populacije Kantona Sarajevo za 2019. godinu.

Procijenjena vrijednost javne nabavke iznosi 854.700,00 KM (slovima: osamstotinapedesetčetiri hiljadeseдамstotinaKM).

Za provođenje javne nabavke osigurana su sredstva u Budžetu Ministarstva za boračka pitanja Kantona Sarajevo za 2019. godinu u odjeljku 1301 na poziciji 615200DAU012.

Postupak javne nabavke provest će se u skladu sa Zakonom o javnim nabavkama, podzakonskim i internim aktima.

Evidencioni broj javne nabavke: **44100000-1 (Građevinski materijal i pridruženi artikli)**

#### **Član 2.**

Tendersku dokumentaciju sačinjit će Komisija imenovana Odlukom ministra broj 06-14-4177/19 od 21.02.2019. godine i ista će biti objavljena na Portalu javnih nabavki zajedno sa obavještenjem o nabavci.

### Član 3.

Kriterij za dodjelu ugovora je **najniža cijena**.

### Član 4.

Otvaranje i ocjenu ponuda provest će Komisija za javne nabavke imenovana Odlukom ministra za boračka pitanja Kantona Sarajevo broj: 06-14-4177/19 od 21.02.2019. godine, u sastavu od 5 članova i sekretara:

1. Osman Smajlović, Predsjedavajući Komisije
2. mr. Belma Adilović, član Komisije
3. Velid Imamović, član Komisije
4. Samila Mujaković - Zenunović, član Komisije
5. Dražen Bačić, član Komisije
6. mr. Elzira Arifhodžić, sekretar Komisije

### Član 5.

Ministarstvo za boračka pitanja Kantona Sarajevo će na svojoj internet stranici [www.mbp.ks.gov.ba](http://www.mbp.ks.gov.ba) objaviti ovu Odluku, a nakon objave obavještenja i tenderske dokumentacije na Portalu javnih nabavki.

### Član 6.

Specifikaciju potrebne količine i vrste građevinskog materijala sačinila je Stručna terenska komisija za procjenu oštećenja individualnih stambenih jedinica, imenovana rješenjem ministra broj: 06-05-3952/19 od 19.02.2019. godine

### Član 7.

Za realizaciju ove javne nabavke zadužuje se Sektor za boračko invalidsku zaštitu Ministarstva za boračka pitanja Kantona Sarajevo.

### Član 8.

Ova Odluka stupa na snagu danom donošenja.

## O b r a z l o ž e n j e

Sektor za boračko invalidsku zaštitu Ministarstva za boračka pitanja Kantona Sarajevo dostavio je dana 09.01.2019. godine prijedlog broj: 06-14-39/19 za pokretanje postupka nabavke, transporta i isporuke građevinskog materijala za pripadnike boračke populacije Kantona Sarajevo za 2019. godinu zbog velikog broja korisnika koji imaju potrebu za dodjelom ove vrste materijala, kako bi se obezbijedili uslovi za popravku stambenih jedinica.

U postupku po prijedlogu sektora za boračko invalidsku zaštitu Ministarstva za boračka pitanja Kantona Sarajevo i dostavljenom specifikacijom sačinjenom od strane Stručne terenske komisije za procjenu oštećenja individualnih stambenih jedinica, imenovane rješenjem ministra broj: 06-05-3952/19 od 19.02.2019. godine, utvrđeno je da je isti osnovan i da sadrži sve potrebne elemente za odlučivanje, u skladu sa čl. 18. stav (1) i 25. Zakona o javnim nabavkama BiH („Službeni glasnik BiH“, broj 39/14) i članom 23. Pravilnika o javnim nabavkama Ministarstva za boračka pitanja Kantona Sarajevo broj: 06-02-2257/16 od 21.01.2016. godine.

Namjera Ministarstva za boračka pitanja Kantona Sarajevo je da se planirana sredstva utroše za nabavku, transport i isporuku građevinskog materijala za sanaciju, rekonstrukciju i adaptaciju stambenih jedinica pripadnika boračke populacije sa područja Kantona Sarajevo u 2019. godini, a koji ispunjavaju uslove propisane Zakonom o dopunskim pravima boraca-branitelja Bosne i Hercegovine (“Službene novine Kantona Sarajevo”, broj 45/12- Prečišćeni tekst, 26/14 i 46/17),

Uredbom o načinu i uslovima rješavanja stambenih potreba boraca-branitelja Bosne i Hercegovine ("Službene novine Kantona Sarajevo", broj 40/14 – Prečišćeni tekst) i Pravilnikom za utvrđivanje prava na jednokratnu bespovratnu dodjelu sredstava za rješavanje stambenih potreba ("Službene novine Kantona Sarajevo", br. 36/07, 36/08, 18/11, 42/12 i 6/13).

Pri donošenju ove Odluke ministar se posebno rukovodio činjenicom da je predložena nabavka planirana Planom nabavki za 2019. godinu – pod stavkom 1., da je realno procijenjena njena vrijednost na tržištu, da su obezbijeđena sredstva za isplatu, predložena odgovarajuća vrsta postupka, te da predloženi sastav Komisije po stručnosti odgovara predmetu javne nabavke.

Na osnovu utvrđenog činjeničnog stanja, odlučeno je kao u članu 1. ove Odluke.



Dostaviti:

- Sektoru za ekonomske poslove i projekte;
- a/a.



web: <http://mbp.ks.gov.ba>  
e-mail: [mbp@mbp.ks.gov.ba](mailto:mbp@mbp.ks.gov.ba)  
Tel: + 387 (0) 33 562-012,  
Fax: + 387 (0) 33 562-251  
Sarajevo, Reisa Džemaludina Čauševića 1

